



**Grad
Mostar**

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKA ŽUPANIJA-KANTON
GRADONAČELNIK

Broj: 02-04-5488/25
Mostar, 02.04.2025.

Na temelju člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj 12/03, 34/03 i 65/13), člana 64. stav 5. Zakona o zdravstvenoj zaštiti („Službene novine Federacije Bosne i Hercegovine“, broj 46/10 i 75/13) i člana 6. Odluke o kriterijima i postupku za imenovanja upravnih odbora javnih ustanova čiji je osnivač Grad Mostar, te njihovim pravima, obavezama i odgovornosti („Službeni glasnik Grada Mostara“, broj 5/05) gradonačelnik Grada Mostara objavljuje

JAVNI OGLAS
za imenovanje predsjednika i članova upravnih odbora zdravstvenih ustanova čiji je osnivač Grad Mostar

Objavljuje se javni oglas za imenovanje predsjednika i članova upravnih odbora (u daljnjem tekstu: upravni odbor) zdravstvenih ustanova čiji je osnivač Grad Mostar, i to:

- 1. Dom zdravlja Mostar**
- 2. Centar za prevenciju i izvanbolničko liječenje ovisnosti Mostar**
- 3. Gradska ljekarna Mostar**

U upravne odbore zdravstvenih ustanova čiji je osnivač Grad Mostar po ovom natječaju imenovat će se:

- predsjednik upravnog odbora-predstavnik osnivača..... 1
- član upravnog odbora-predstavnik Ministarstva zdravstva, rada i socijalne skrbi HNK-a.....1

I OPIS POZICIJA

Upravni odbor upravlja zdravstvenom ustanovom, donosi opće akte, imenuje i razrješava direktora i pomoćnika direktora, utvrđuje planove razvoja i rada ustanove, utvrđuje godišnji program rada, donosi finansijski plan i usvaja godišnji obračun, usmjerava, kontrolira i ocjenjuje rad direktora, podnosi osnivaču najmanje jedanput godišnje izvještaj o poslovanju ustanove, te obavlja druge poslove u skladu sa zakonom, podzakonskim aktima i općim aktima ustanove.

Predsjednik i članovi upravnih odbora imenuju se na period od 4 (četiri) godine uz mogućnost ponovnog imenovanja u skladu sa zakonom.

Naknada za rad u upravnim odborima utvrđena je Odlukom o visini naknade za rad predsjednika i članova upravnih odbora ustanova zdravstvene zaštite kojima je osnivač Grad Mostar („Službeni glasnik Grada Mostara“, broj 9/12).

II OPĆI KRITERIJI ZA IMENOVANJA

Svi kandidati za pozicije u upravnim odborima koje su predmet ovog javnog oglasa trebaju ispunjavati sljedeće opšte kriterije:

1. da su državljani Bosne i Hercegovine,
2. da su stariji od 18 godina, ali ne stariji od 70 godina,
3. da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije,
4. da se na njih ne odnosi član IX 1. Ustava Bosne i Hercegovine,
5. da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine ("Službene novine FBiH" broj 12/03, 34/03, 65/13),
6. da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u organima vlasti u Federaciji Bosne i Hercegovine ("Službene novine FBiH" broj 70/08) i Zakona o sukobu interesa u institucijama vlasti Bosne i Hercegovine ("Službeni glasnik BiH" broj 16/02, 14/03, 12/04, 63/08, 18/12, 87/13, 41/16),
7. da nemaju privatni interes u ustanovi u kojoj se kandidiraju u smislu člana 2. tačka 1.2. Zakona o ministarskim, vladinim i drugim imenovanjima u Federaciji BiH,
8. da nisu osuđivani za kazneno djelo i privredni prestup nespojive sa pozicijom za koju se kandidiraju,
9. da im pravomoćnom presudom nije zabranjeno obavljanje aktivnosti u nadležnosti ustanove,
10. da nisu članovi upravnog odbora i nadzornog odbora u više od dvije institucije.

III POSEBNI KRITERIJI ZA IMENOVANJA

Pored općih kriterija, kandidati za predsjednika i članove upravnih odbora moraju ispunjavati i sljedeće posebne kriterije:

1. VŠS (VI) ili VSS (VII) odgovarajućeg smjera,
2. 5 (pet) godina radnog iskustva,
3. poznavanje sadržaja i načina rada upravnog odbora u koji se kandidiraju,
4. uživanje ugleda u lokalnoj zajednici,
5. sposobnost za savjesno, odgovorno i odlučno obavljanje upražnjene pozicije,
6. sposobnost nepristranog donošenja odluka.

IV PODNOŠENJE PRIJAVA

Prijava na javni oglas podnosi se na posebnom obrascu "Prijava na javni oglas", koji se može dobiti u Centru za usluge Grada Mostara, Ulica Adema Buća 19, a dostupan je i na web stranici Grada Mostara www.mostar.ba

Uz Prijavu na javni oglas kandidati su dužni priložiti sljedeće dokaze o ispunjavanju uslova:

1. uvjerenje o državljanstvu ili kopiju lične karte (CIPS),
2. dokaz o školskoj spremi,
3. dokaz o radnom iskustvu.

Od kandidata koji uđu u uži izbor može biti zatraženo i dostavljanje dodatne dokumentacije. Prijava kandidata sa kojim se ne stupa u kontakt u roku od 10 (deset) dana od isteka roka za podnošenje prijave, neće biti uzeta u razmatranje u daljnjem procesu imenovanja.

Svi kandidati koji budu stavljani na listu za uži izbor biti će pozvani na intervju pred Komisiju za izbor koju imenuje gradonačelnik Grada Mostara. Nakon intervjuja, Komisija za izbor će putem pismene preporuke predložiti rang listu s najboljim kandidatima gradonačelniku Grada Mostara.

Konačno imenovanje predsjednika i članova upravnih odbora na temelju prijedloga gradonačelnika vrši Gradsko vijeće Grada Mostara.

Bilo koji kandidat ili zainteresirana stranka može podnijeti prigovor na konačno imenovanje, ako vjeruje da u procesu imenovanja nisu poštovani principi utvrđeni Zakonom o ministarskim, vladinim i drugim imenovanjima Federacije BiH. Prigovor se podnosi istodobno Gradskom vijeću Grada Mostara i Ombudsmanu Federacije BiH.

Javni oglas ostaje otvoren 15 dana od dana objavljivanja u „Službenim novinama Federacije BiH“, Oslobođenju, Večernjem listu, web stranici Grada Mostara i na Oglasnim pločama Grada Mostara.

Rok za podnošenje prijave računa se od dana objave oglasa u „Službenim novinama Federacije BiH“.

Prijavu na propisanom obrascu sa traženim dokumentima treba dostaviti lično ili preporučenom poštom na adresu: Grad Mostar, Ulica Adema Buća 19, Komisiji za izbor predsjednika i članova upravnih odbora zdravstvenih ustanova, sa naznakom «**PRIJAVA NA JAVNI OGLAS-NE OTVARATI**».

Neblagovremene i nepotpune prijave neće se uzeti u razmatranje.

Dostavljeno:

1. Gradonačelniku
2. Odjelu za društvene djelatnosti
3. A/a



GRADONAČELNIK

dr.sc. Mario Kordić